

St'ucchiuzzi

'St' ucchiuzzi li talíu
jornu pi jornu, su beddi brillanti
di culuri castànu.
Ogni vota chi li talíu
mi si scunfússula la menti
e li sensi l'haiu n'un pantanu.

Vulissi evitari di talialli
pi nun mi fari véniri smàni
e stari tranquillu,
ma lu desideriu è forti
e li talíu arré comu
un mbicillu.

Cci leggiu tanti cosi
ma la to vucca è chiusa stritta
e nun mi dici nenti.
È nútuli ca mi sforzu pi cummínciti,
pirchí capisciu ca propriu
nun ci nesci nenti.

Mi sazzíu taliánnu li to occhi
e menu mali ca li vidu
n'fotografia
perlumenu nni godu di piacíri,
ma lu me cori resta a lu so postu
pirchí 'un nn' avi unni jiri.

2020 Giuseppe Cardella